

# 广东通志

广东通志

廣東通志卷二百八十八

甲子重刊

列傳二十一

韶州一

何丹

漢

張魴

晉

侯安都

從弟曉  
宣秘

子敦  
陳

劉軻

唐

胡賓王

黃仲通

余靖

王式

子陶

孫履古

梅鼎臣

子佐

鄧戡

子堂  
亮

擴

堂子弼

譚必

譚揆

父昉

張持

李訪

石汝礪

鄭總

鄭郭義

李渤

弟巖

成倬

劉暉

侯晉升

李南仲

蕭雄

兄雅

弟維

馮寅

子安上

族子晦

鄧孝廉

胡彥忠

鄭玠

子康佐

鄭準

劉緯以上

宋

漢

何丹字伯張潁陽人

郭志云今英德

成帝鴻嘉初鄉里舉

茂才為含滙長累遷中散大夫

韶州志作中大夫

以言忤

王莽出為松滋令慈祥豈弟愛民如子有嘉禾連

穎之瑞及卒於官邑人哀動擇河西勝地葬之歲

六月二日民酬莫不絕

黃志

謹案黃志韶州志載郭蒼字伯起爲荊州從事熹平三年太守周憬開昌樂六瀧蒼撰功勲銘云考漢碑未有書撰文入姓氏者謂銘文爲蒼所作乃無稽之談附會之說今不錄

晉

張魴字叔魚始興郡人

大清一統志作曲江人戴志作南海中宿人

涉獵經傳善事父母遇旱痛穀食荒貴分賚貧窮鄉閭戴之明帝太寧初舉孝廉成帝咸康中爲含洹縣令鑒前令貪暴節儉自持視民如子蔚有惠政三年化行民歌頌之關日夜行無警白鹿羣遊

取其一獻之民因魴所築縣城又城南有岡皆以  
白鹿名焉刺史行部至褒美其政治以勵屬邑詔  
徵爲尙書郎同上

謹案此傳曲江志清遠志並載今清遠古  
中宿也黃志郭志粵大記百越先賢志

欽定大清一統志曲江志俱云魴太寧舉孝廉惟戴志與  
清遠志云隆和中舉孝廉隆和晉哀帝年  
號相隔五帝清遠志且誤書隆和爲唐又  
云魴爲江浦令尤謬

陳

侯安都字成師始興曲江人也世爲郡著姓父文

捍

南史作父捍

少仕州郡以忠謹稱安都貴後官至光

祿大夫始興內史秩中二千石安都工隸書能鼓琴涉獵書傳爲五言詩亦頗清靡兼善騎射爲邑里雄豪梁始興內史蕭子範辟爲主簿侯景之亂招集兵甲至三千人高祖八援京邑安都引兵從高祖攻蔡路養破李遷仕克平侯景並力戰有功元帝授猛烈將軍通直散騎常侍富川縣子邑三百戶隨高祖鎮京口除蘭陵太守高祖謀襲王僧辯諸將莫有知者惟與安都定計仍使安都率水軍自京口趨石頭高祖自率馬步從江乘羅落會之安都至石頭北棄舟登岸僧辯弗之覺也石頭

城北接崗旱雉堞不甚危峻安都被甲帶長刀軍人捧之投於女垣內衆隨而入進逼僧辯臥室高祖大軍亦至與僧辯戰於聽事前安都自內閣出腹背擊之遂擒僧辯紹泰元年以功授使持節散騎常侍都督南徐州諸軍事仁威將軍南徐州刺史高祖東討杜龕安都留臺居守徐嗣徽任約等引齊寇入據石頭游騎至于闕下安都閉門偃旗幟示之以弱令城中曰登陴看賊者斬及夕賊收軍還石頭安都夜令士卒密營禦敵之具將旦賊騎又至安都率甲士三百人開東西掖門與戰大敗之賊乃退還石頭不敢復逼臺城及高祖至以

安都爲水軍於中流斷賊糧運又襲秦郡破嗣徽  
柵收其家口并馬驢輜重得嗣徽所彈琵琶及所  
養鷹遣信餉之曰昨至弟住處得此今以相還嗣  
徽等見之大懼尋而請和高祖聽其還北及嗣徽  
等濟江齊之餘軍猶據采石守備甚嚴又遣安都  
攻之多所俘獲明年春詔安都率兵鎮梁山以備  
齊徐嗣徽等復入丹陽至湖熟高祖追安都還率  
馬步拒之於高橋又戰於耕壇南安都率十二騎  
突其陣破之生擒齊儀同乞伏無勞又刺齊將東  
方老墮馬會賊騎至救老獲免賊北渡蔣山安都  
又與齊將王敬寶戰於龍尾使從弟曉軍主張纂

前犯其陣曉被槍墜馬張纂死之安都馳往救曉  
斬其騎士十一人因取纂尸而還齊軍不敢迫高  
祖與齊軍戰於莫府山命安都領步騎千餘人自  
白下橫擊其後齊軍大敗安都又率所部追至攝  
山俘獲首虜不可勝計以功進爵爲侯增邑五百  
戶給鼓吹一部又進號平南將軍改封西江縣公  
仍都督水軍出豫章助豫州刺史周文育討蕭勃  
安都未至文育已斬勃并擒其將歐陽頎傅泰等  
唯余孝頃與勃子孜猶據於豫章之石頭作兩城  
孝頃與孜各據其一又多設船艦夾水而陣安都  
至乃銜枚夜燒其艦文充率水軍安都領步騎登

岸結陣孝頃俄斷後路安都乃令軍士多伐松木  
堅柵列營漸進頻戰屢剋孜乃降孝頃奔歸新吳  
請入子爲質許之師還以功進號鎮北將軍加開  
府儀同三司仍率衆會於武昌與周文育西討王  
琳將發王公已下餞於新林安都躍馬渡橋人馬  
俱墜水中又坐舫內墜於櫓井時以爲不祥至武  
昌琳將樊猛棄城走文育亦白豫章至時兩將俱  
行不相統攝因部下交爭稍不平軍至郢州琳將  
潘純隨於城中遙射官軍安都怒進軍圍之未能  
克而王琳至於弇口安都乃釋郢州悉衆往沌口  
以禦之遇風不得進琳據東岸官軍據西岸相持

數日乃合戰安都等敗績安都與周文育徐敬成並爲琳所囚琳總以一長鎖繫之置於榻下令所親宦者王子晉掌視之琳下至湓城白水浦安都等甘言許厚賂子晉子晉乃僞以小船依榻而釣夜載安都文育敬成上岸入深草中步投官軍還都自劾詔並赦之復其官爵尋爲丹陽尹出爲都督南豫州諸軍事鎮西將軍南豫州刺史令繼周文育攻金孝勸及王琳將曹慶常衆愛等安都白宮亭湖出松門躡衆愛後文育爲熊曇朗所害安都回取大艦值琳將周炅周協南歸與戰破之生擒炅協孝勸弟孝猷率部下四千家欲就王琳遇

吳協敗乃詣安都降安都又進軍於禽奇洲破曹  
慶常衆愛等焚其船艦衆愛奔於廬山爲村人所  
殺餘衆悉平還軍至南皖而高祖崩安都隨世祖  
還朝乃與羣臣定議翼奉世祖時世祖謙讓弗敢  
當太后又與衡陽王故未肯下令羣臣猶豫不能  
決安都曰今四方未定何暇及遠臨川王有功天  
下須共立之今日之事後應者斬便按劔上殿白  
太后出璽又手解世祖髮推就喪次世祖卽位遷  
司空仍爲都督南徐州諸軍事征北將軍南徐州  
刺史給扶王琳下至柵口大軍出頓蕪湖時侯瑱  
爲大都督而指麾經略多出安都天嘉元年增邑

千戶及王琳敗走入齊安都進軍淦城討琳餘黨  
所向皆下仍別奉中旨迎衡陽獻王昌初昌之將  
入也致書於世祖辭甚不遜世祖不懌乃召安都  
從容而言曰太子將至須別求一蕃吾其老焉安  
都對曰自古豈有被代天子臣愚不敢奉詔因請  
自迎昌昌濟漢而薨以功進爵清遠郡公邑四千  
戶自是威名甚重羣臣無出其右安都父文捍爲  
始興內史卒於官世祖徵安都還京師爲發喪尋  
起復本官贈其父散騎常侍金紫光祿大夫拜其  
母爲清遠國太夫人仍迎還都母固求停鄉里上  
乃下詔改桂陽之汝城縣爲廬陽郡分衡州之始

興安遠二郡合三郡爲東衡州以安都從弟曉爲  
刺史安都第三子秘年九歲上以爲始興內史並  
令在鄉侍養其年改封安都桂陽郡公王琳敗後  
周兵入據巴湘安都奉詔西討及雷異擁據東陽  
又奉詔東討異本謂臺軍由錢塘江而上安都乃  
步由會稽之諸暨出於永康異大恐奔桃枝嶺處  
嶺谷間於巖口豎棚以拒王師安都作連城收異  
躬自接戰爲流矢所中血流至踝安都乘輦麾軍  
容止不變因其山壠之勢迨而爲堰天嘉三年夏  
潦水漲滿安都因船入堰起樓艦與異城等放拍  
碎其樓雉異與第二子忠臣脫身奔晉安安都虜

其妻子盡收其人馬甲仗振旅而歸以功加侍中  
征北大將軍增邑并前五千戶仍還本鎮其年吏  
民詣闕表請立碑頌美安都功績詔許之自王琳  
平後安都勲庸轉大又自以功安社稷漸用驕矜  
數招聚文武之士或射馭馳騁或命以詩賦第其  
高下以差次賞賜之文士則褚介馬樞陰鏗張正  
見徐伯陽劉刪祖孫登武士則蕭摩訶裴子烈等  
並爲之賓客齋內動至千人部下將帥多不遵法  
度檢問收攝則奔歸安都世祖性嚴察深銜之安  
都弗之改日益驕橫每有表啟封訖有事未盡乃  
開封自書之云又啟某事及侍讌酒酣或箕踞傾

倚嘗陪樂遊褰飲乃白帝曰何如作臨川主時帝  
不應安都再三言之帝曰此雖天命抑亦明公之  
力宴訖又啟便借供帳水飴將載妻妾於御堂歡  
會世祖雖許其請甚不懌明日安都坐於御坐賓  
客居羣臣位稱觴上壽初重雲殿災安都率將士  
帶甲入殿帝甚惡之自是陰爲之備又周迪之反  
朝望當使安都討之帝乃使吳明徹討迪又頻遣  
臺使案問安都部下檢括亡叛安都內不自安天  
嘉三年冬遣其別駕周宏實自託於舍人蔡景厯  
并問省中事景厯錄其狀具奏之希旨稱安都謀  
反世祖慮其不受制明年春乃除安都爲都督江